



Na osnovu člana 70. stav (1), (2) i (3) Zakona o javnim nabavkama ("Službeni glasnik BiH", broj: 39/14), na prijedlog Komisije za javnu nabavku iz Zapisnika o pregledu i ocjeni ponuda broj: 05-25-15419-8/19 od 14.11.2019. godine, u otvorenom postupku javne nabavke radova „Izgradnja/rekonstrukcija vodnih objekata za projekte općine Maglaj“ za LOT 2- „Rekonstrukcija vodozahvata u naselju Domislica“ kao projekat u Programu utroška vodnih naknada za 2019. godinu Ministarstva za poljoprivredu šumarstvo i vodoprivredu Zeničko-dobojskog kantona, ministar Ministarstva za poljoprivredu, šumarstvo i vodoprivredu, donio je

O D L U K U
o izboru najpovoljnijeg ponuđača
LOT 2 - „Rekonstrukcija vodozahvata u naselju Domislica“

I

Prihvata se prijedlog Komisije za javne nabavke iz Zapisnika o pregledu i ocjeni ponuda broj: 05-25-15419-8/19 od 14.11.2019. godine i ugovor za javnu nabavku radova LOT 2 – „Rekonstrukcija vodozahvata u naselju Domislica“, kao dio predmeta nabavke u otvorenom postupku za nabavku radova „Izgradnja/rekonstrukcija vodnih objekata za projekte općine Maglaj“ predviđenog u Programu utroška vodnih naknada za 2019. godinu Ministarstva za poljoprivredu šumarstvo i vodoprivredu Zeničko-dobojskog kantona dodjeljuje se ponuđaču konzorciju „DKM GRADNJA“ d.o.o. Maglaj i „DŽEVKOMERC INŽINJERING“ d.o.o. Zavidovići, lider konzorcija: „DKM GRADNJA“ d.o.o. Maglaj sa ponudnom cijenom od 32.897,70 KM bez PDV-a.

II

Prijedlog ugovora o nabavci dostavit će se na potpis izabranom ponuđaču konzorciju „DKM GRADNJA“ d.o.o. Maglaj i „DŽEVKOMERC INŽINJERING“ d.o.o. Zavidovići, lider konzorcija: „DKM GRADNJA“ d.o.o. Maglaj, po proteku roka od 15 (petnaest) dana računajući od dana zaprimanja ove Odluke.

III

Ova odluka objavit će se na web-stranici Zeničko-dobojskog kantona – www.zdk.ba, istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama.

IV

Ova odluka stupa na snagu danom donošenja i dostavlja se ponuđaču koji je učestvovao u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke radova „Izgradnja/rekonstrukcija vodnih objekata za projekte općine Maglaj, i to: LOT 1- „Sanacija vodovoda u MZ Ravna“ i LOT 2- „Rekonstrukcija vodozahvata u naselju Domislica“, broj: 05-25-15419/19 od 15.10.2019 godine. Javna nabavka je provedena u otvorenom postupku po kriteriju najniža cijena. Ukupna procijenjena vrijednost javne nabavke za LOT 2 iznosi 29.914,00 KM bez PDV-a. Obavještenje o nabavci broj: 455-1-3-4-3-5/19 objavljeno je dana 17.10.2019. godine na portalu javnih nabavki. Sažetak Obavještenja o javnoj nabavci objavljen je u „Službenom glasniku BiH“, broj: 72/19 od 25.10.2019. godine. U određenom krajnjem roku pristigla je jedna ponuda, ponuda konzorcija „DKM GRADNJA“ d.o.o. Maglaj i „DŽEVKOMERC INŽINJERING“ d.o.o. Zavidovići, lider konzorcija: „DKM GRADNJA“ d.o.o. Maglaj.

Dana 07.11.2019. godine Komisija za javnu nabavku imenovana Rješenjem broj: 05-25-15419-1/19 od 15.10.2019. godine sačinila je Zapisnik o otvaranju ponuda. Aktom Ugovornog organa broj: 05-25-15419-6/19 od 07.11.2019. godine isti je dostavljen ponuđačima koji su dostavili ponude u ovom postupku nabavke. Zapisnikom o pregledu i ocjeni ponuda broj: 05-25-15419-8/19 od 14.11.2019. godine Komisija za javne nabavke konstatovala je da ponuda konzorcija „DKM GRADNJA“ d.o.o. Maglaj i „DŽEVKOMERC INŽINJERING“ d.o.o. Zavidovići, lider konzorcija: „DKM GRADNJA“ d.o.o. Maglaj prihvatljiva, ali da je ponudena cijena viša u odnosu na osigurana sredstva predmetne javne nabavke, te preložila Ugovornom organu da ocijeni da li ponudena cijena za LOT 2 u iznosu od 32.897,70 KM bez PDV-a znatno veća od osiguranih

sredstva za predmetnu nabavku i na osnovu toga donese odluku o poništenju postupka ili odluku o izboru najpovoljnijeg ponuđača.

U postupku po izvještaju o radu Komisije utvrđeno da je imenovana Komisija pravilno izvršila otvaranje ponuda i ocjenu prispjele ponude o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda - jedna
- da je blagovremeno zaprimljena - jedna;
- da su neblagovremeno zaprimljene - nula;
- da je prihvatljive- jedna.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača, te ocjenu jedne prispjele ponude, u skladu sa kriterijima iz predmetne tenderske dokumentacije.

U postupku ocjene provedenog postupka, nisu evidentirane nepravilnosti niti propusti u radu, koji bi eventualno bili osnov za neprihvatanje preporuke Komisije.

Izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima, tenderskom dokumentacijom. Uvidom u priloženu dokumentaciju nesporno je da je izabrani ponuđač dostavio prihvatljivu ponudu za Ugovorni organ sa iznosom od 32.897,70 KM bez PDV-a, ali da ista prelazi procijenjenu vrijednost javne nabavke koja iznosi 29.914,00 KM bez PDV-a. Obzirom da je ova nabavka projekat općine Maglaj, planirana u Programu utroška vodnih naknada za 2019. godinu Ministarstva za poljoprivredu, šumarstvo i vodoprivredu, aktom Općinskog načelnika Maglaj broj: 01-49-1602-1/19 od 20.11.2019. godine izražena je spremnost sufinansiranja razlike iznosa iznad procijenjene vrijednosti s ciljem kako bi se svi predviđeni projekti iz Programa utroška vodnih naknada za 2019. godinu realizovali. S tim u vezi, ovaj organ je odlučio da ponudena cijena nije znatno viša od osiguranih sredstava za predmetnu javnu nabavku, te je u skladu sa odredbama člana 64. stav (1) tačka b) i člana 70. Zakona o javnim nabavkama („Službeni glasnik BiH“, broj: 39/14) donio je Odluku, kao u dispozitivu.

POUKA O PRAVNOM LIJEKU:

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa, ima pravo uložiti žalbu na postupak u pisanoj formi u roku od 10 (deset) dana po prijemu odluke o izboru najpovoljnijeg ponuđača. Žalba se izjavljuje Uredu za razmatranje žalbi BiH, a putem ugovornog organa u pisanoj formi direktno, u elektronskoj formi ili preporučenom pošiljkom. Žalba se podnosi u najmanje 3 (tri) primjerka.

Broj: 05-25-15419-9-1/19
Datum, 02.12.2019. godine
Zenica



MINISTAR

Mirnes Bašić

DOSTAVLJENO:

1x DKM GRADNJA“ d.o.o. Maglaj
1x www.zdk.ba,
1x a/a.



Bosna i Hercegovina, Zenica, Kučukovići br.2 .
Telefon: 032/460-750, 460-751; Fax: 032/460-752
e-mail: min.poljoprivreda@zdk.ba
www.zdk.ba